

# 北洋官報

錄 目

宮門抄  
諭旨

奏議◎護直督奏請議局通常會始末摺△又奏直岸引  
鹽加耗取滿請照案展限摺  
摺片十二則  
公牘◎督憲札一件△商會稟一件△磁州詳一件  
文牘四則△畿輔七則△各省六則△各國七則  
彙編◎京津教練所規則△北洋學界海軍捐簡章  
圖書◎日本東京上野東照宮圖

本報於今日起特將報中門類畧加添改另有說畧附錄畿輔近事之末閱者鑒之

本局 第一 百 二 十 一 期 法 政 學 報 已 出

## 宮門抄

十一月十五日 外務部 欽天監 侍衛處值日 直隸總督陳夔龍請 訓 海公續假十日 召見

軍機 陳夔龍 外務部遞封奏三件代遞出使大臣伍廷芳奏摺一封李經方奏摺二封錢恂奏摺三封

## 上 諭

十一月十五日內閣奉

上諭現值天氣嚴寒 實錄館人員朝夕恭纂書籍著加恩於十一月十二月正月每月賞給柴炭銀五十兩

在廣儲司支領欽此

### 奏議錄要

#### 護理直隸總督崔奏諮議局通常會始末情形摺

奏爲諮議局通常會始末情形恭摺具陳仰祈 聖鑒事竊查順直諮議局於本年九月初一日成立召集開會選定議長副議長各員隨將議事細則旁聽規則呈明批准公布節經前督臣端方先後電奏分咨在案奴才到任以後於該局會議事宜照章認真監察并遴派行政各員隨時到會遇有質問事件均爲詳晰答辯解釋疑難免滋誤會該局議員等亦均恪循規則秩序井然開會期限本以四十日爲率惟因開辦伊始頭緒較繁據該局呈請照章展限十日當經電達憲政編查館照准並於展限期內按照定章互選資政院議員奴才到場監督覆加選定其常駐議員亦經互選核定旋於十月二十日期滿閉會奴才復蒞會場加意勸勉令各考察地方情形預備下期會議以圖改良而促進步此次議案甫經該局議決呈報奴才當詳細核奪分別准駁期符定章弗渝權限除將選舉資政院議員及常駐議員各名册分咨查照外所有諮議局通常會始末情形謹繕摺具陳伏乞 皇上聖鑒謹 奏宣統元年十一月初十日奉 硃批該衙門知道欽此

#### 護理直隸總督崔奏長蘆直岸引鹽加耗限滿請照案展限摺

奏爲長蘆直岸引鹽加耗限滿請照案展限五年以恤商艱恭摺仰祈 聖鑒事竊查接管卷內據長蘆鹽運使張鎮芳詳稱長蘆直岸引鹽前因運道艱滯傷耗過多加以承交賑墊加價酌提七成歸公商累實甚經前督臣裕祿奏請將引鹽每包加耗鹽二十斤予限五年經部覆准嗣於光緒三十年限滿復經前督臣袁世凱奏准推展五年並照豫岸加課章程自光緒三十二年每引加課銀二分四釐一毫八絲以歸一律此項耗鹽扣至本年年底又屆限滿前經諭飭綱總傳諭直岸各商復額去後旋據該綱總商人楊俊元等稟稱伏查此項加耗鹽斤係因光緒二十五年將津貼商累之賑墊加價二文酌提七成歸公各商虧累不支課運幾至貽誤是以加此耗鹽藉資補

救以歸公加價一併予限五年均蒙奏准在案嗣於光緒三十一年隨同歸公加價推展一次現歸公又屆限滿其歸公加價一款尙未規復若將此項加耗停止商力實有難支況當日平價平秤係直省鹽包斤重五百八十七斤七兩核入成本公平定價提耗歸公嗣又遵加課銀若因限滿遽將此項油耗停止則傷耗過重必致虧賠卽難提款歸公與前定之數未能符合將來蒂欠稽遲轉於課餉大有妨碍應請推展五年以符原案等情該司查得該綱總等所稟鹽包斤重實已核入成本之內公平定價提款歸公嗣又遵加課銀若因限滿遽將前項耗鹽停止實於課餉大有妨碍詳請奏明展限前來前督臣端方未及核辦卸事奴才到任接交查該司所詳委係實在情形相應仰懇 天恩俯准將直引加耗二十斤自宣統二年起照案展限五年以示體恤而裕餉需除咨部外理合恭摺具陳伏乞

皇上聖鑒訓示謹 奏宣統元年十一月初七日奉 硃批度支部議奏欽此

### 摺片摘要

理藩部奏請 簡多倫諾爾扎薩克喇嘛一缺事單一件十一月十三日奉

旨賞假三年

又奏喇果呼圖克圖因病請假三年事同日奉

旨知道了

又奏喀喇沁郡王貢桑諾爾布入直當差請委協理署印事同日奉

旨知道了

又奏補放熱河安遠廟副達喇嘛等缺事同日奉

旨批該衙門知道單併發

又奏蘇撫瑞澂奏各廳州縣政治分別加考擬等摺同日奉

旨批吏部議奏

又奏任繼恒捐助學款請建坊片同日奉

旨批允行該部知道

又奏辦理禁煙情形摺同日奉

旨批該部知道

又奏辦理禁煙情形摺同日奉

旨批著來見

又奏辦理禁煙情形摺同日奉

又奏恭辦要差出力人員請獎摺同日奉

### 公牘錄要

護督憲崔准察哈爾都統咨據口北督銷局稟擬在延慶州州堡地方添設蒙鹽子店以便民食札飭運司核辦文

為札飭事宜統元年十月二十九日准 察哈爾都統咨開據派辦直隸口北督銷鹽務職商何福成稟稱疊蒙札飭查明延慶州屬蒙蘆鹽銷地劃清界限現在如何辦法有無侵銷之處詳細聲覆以憑核咨等因先後奉此伏查卑局自上年冬季接辦口北鹽務暫照前商辦法仍聽散商販銷各屬所有延慶州境州堡衛堡蒙蘆分銷界限尙未查明現經卑局與蒙鹽公司訂約行銷包地遵照原案於宣化府屬張獨多三廳地方擇要添設局廠劃界分銷正擬往查延慶州境內州衛各堡蒙蘆銷界奉札前因亟應查明界限以清轄轄茲查延慶衛堡引商向止居庸關內南口鎮設有鹽店一處嗣於光緒三十二年蘆商源豐復在居庸關外屠家營西舊榆林劉浩營谷家營前呂莊等村添設子店五處卑局前商李錫麟以違例設店稟蒙前長蘆運憲飭查批據延慶州前牧鄭思壬詳查源豐所設屠家營等子店五處確在衛堡應食蘆鹽界內等情各在案茲奉前因卑局竊以蒙蘆銷地既有明界理應各銷各地不相侵灌蘆商源豐既在衛堡推廣子店五處則卑局亦應在州堡地方擇要添設蒙鹽子店就近分銷以便民食至其有無侵銷之處卑局刻方開辦無從查覆惟州衛各堡既云犬牙相錯應如何清劃界限各銷各地以杜爭端之處伏候鑒核咨行轉飭遵照辦理等因前來據此相應咨行貴督查照轉飭長蘆運司核辦可也等因到本護督部堂准此合行札飭札到該司即便查核辦理詳咨此札

### 天津商務總會擬稟 護督憲辦理籌還國債會事宜文 (來稿)

敬稟者竊維我國財政一日不清主權一日難保賠款一日不償國體一日難固所以舉國人民奔走呼號汲汲焉皇皇焉咸以捐稅煩苛籲懇緩免不知捐稅煩苛實以財政支絀財政支絀實以賠款過鉅年限過長利息過重難捐日出流弊日滋上既無補於國計下徒貽累於民生各關多作抵押主權因不我屬倡加稅者有之倡統捐者有之倡裁釐者又有之議論紛歧迄莫實行者賠款疊疊財政終無充足之日似應從速籌還為拔本塞源之計職會

硃批所請著不准行

等有鑒於此迭經開會研究僉謂我朝深仁厚澤婦孺咸知際此萬難知必有毀家紓難藉以仰體國艱下蘇民困者當即公同議決擬合舉國民組織籌還國債會其債數即以甲庚兩次賠款爲定額其還期約以三年爲限制正在聯合同志間各省聞風興起函電交馳索取簡章以期衆擎易舉早日觀成民氣奮發爲向來所未有仰見我皇上宣布立憲舉國民皆有國家之思想有以致之且仰蒙大帥捐廉銀三萬兩以資提倡闡津聞知激勵尤切願茲事體大勸導之責雖在國民而提倡之方尤賴政府所有擬辦籌還國債會緣由理合檢同簡章草案敬呈鈞鑒察核立案並懇據情入奏請頒特旨諭令各省將軍軍督撫分別提倡以昭鄭重將見賠款速償財政可清則主權可保國體亦自固矣恭肅敬叩 崇安伏維 垂鑒

### 磁州祿牧坤詳勘州境鐵路道釘被匪偷竊等情文並批

爲詳報事案查接管卷內宣統元年六月二十一日蒙前憲台那批卑前州黃牧詳奉飭拿行竊鐵路道釘拒捕傷人賊匪實在情形並查卷差緝獲犯懲辦一案請查核緣由奉批查行竊拒捕向照盜案辦理勘驗稟報蘆漢鐵路料件係屬官物匪徒肆竊拒捕傷人情形較尋常行竊拒捕爲重即使該州未據報案而事後不能諉爲不知況已迭奉札飭乃並不傳驗補勘訊明通稟其先獲之郭明遠等既據訊明究竟是否拒捕之犯應得何罪又不錄供詳辦率照自理詞訟枷責發落後獲之沈吉保子等更無自認口供亦復含糊示辦理種種不合應將該署州記過一次仰即查照將當時捕賊並受傷之工人傳案查訊明確補行勘驗分別稟報一面將各犯疎枷訊明確情據實辦理仍嚴緝逸賊務獲究報並候行司註冊一體飭遵繳等因蒙此案查卑前州黃牧於未經奉批之先案犯郭明遠楊小豬沈吉保李五子陸續據報在押患病均經驗明分別取保醫治先後在保病故鄂秀一犯黃牧一再研訊實非此案正賊嗣因枷號期滿取保開釋並於五月二十九日准大名練軍續獲逸犯沈祿保一名提訊犯供狡執正在研訊間接奉前因黃牧隨即添差比捕勒緝逸犯務獲一面移傳受傷工人王振清等查訊補助去後一面將邊米貴子張保子二犯提案疎枷嚴押嗣於七月二十四八月十九等日先後准辦理京漢鐵路第一段行車警務處張將工人王振清王計明二名移解到州併聲明該監工原稟內並無被匪捉去工人情事即經黃牧飭件驗明王振清右腿裏面有鎗傷一片王計明左腿肚傷痕一道均已平復餘無別傷開單附卷一面會營帶領王振清

等先詣南來村勘得村東半里許有南北火車道一條北距四百七十號道牌約二里許道中有東西小渠溝一道路東北一箭許南北斜溝渠一道渠西有田地一段據工人王振清指稱本年閏二月初記不清日期夜間四更時分伊夥計四人查道至此聽得鐵道響動趕往查看見有五六賊人往北跑去伊等追至東北地裏適有一賊跌倒伊即上前捉拿該賊翻身開鎗將伊右腿裏面放傷各賊四散逃逸伊等追捕無踪回至失事處所查看道釘已卸下三百來個存放在地並未失少次日補修齊整等語查驗道釘業已補齊路東遍地秋禾已無盤旋形跡勘畢繪圖復詣城基村勘得村北二里許現改爲一百三十號即前一百一十九號道房南一箭許有南北火車路一條據工人王計明指稱閏二月初五日夜伊同夥三人查道至此見有賊人偷竊道釘上前趕捕賊即開鎗將伊頭衣服打破竊去道釘三十來個逃逸至初十日夜又有多賊在迤南半里許道上偷竊道釘伊同夥六人各執洋鎗往捕只放響兩鎗賊人一齊開鎗伊等害怕逃往橋下躲避伊因所帶勾鎗掛住橋上失跌倒地被賊揪至橋東溝地用鐵器將伊頭上身上打傷現已平復等語又勘得一百三十號南半里許鐵道下有東西小橋一道查驗兩處道釘均已補齊橋東遍地秋禾已無盤旋形跡可驗該處雖係火車大道未設墩防勸畢分別繪圖帶回附卷隨提同邊米貴子等到案逐加質訊據王振清供稱伊係保定府人在鐵道上作工一年多了宣統元年閏二月初記不清日期夜間四更時分伊同夥四人在南來村村東一百二十四號道房小橋邊鐵道上巡查聽聞道上響動趕去查看見有五六賊人往北跑去伊跟追至東北地裏適有一賊跌倒伊即上前捕捉該賊翻身開鎗將伊右腿裏面放傷各賊四散逃逸伊等追捕無踪一同回至鐵道上查看已卸下道釘三百來個在地放存並未失少第二日仍舊補齊至初十日道釘如何被竊伊不知道這獲案的邊米貴子們是否正賊因在黑夜看不清面貌伊不敢妄指又據王計明供稱伊係山東人素在案下灤陽村寄住在鐵道上作工四五年了宣統元年閏二月初五日夜伊同夥三人查道至城基村北二里許見有賊人偷道釘伊等上前追捕賊即開放洋鎗致將工頭衣服打破幸未受傷查看道釘卸去約有一百八十來個伊等喊趕賊人丟棄一百五十個往西逃逸又初十日夜伊等同夥六人各拿洋鎗在有橋的地方看守鐵道見有賊多人在迤南半里許道上偷竊道釘伊等開放兩鎗賊即一齊開鎗抗拒伊等害怕逃往橋下躲避伊因所帶勾鎗掛住橋上失跌倒地被賊揪至橋東溝地用鐵器把伊頭上身上打傷現已平

復這獲案的邊米貴子們是否正賊因黑夜看不清楚不敢妄指各等語研訊沈祿保即申路邊米貴子張保子即王張保子各供均執如前堅供並無偷竊道釘以及拒傷工人情事黃牧因張保子一犯患病沉重未便嚴審將各犯還押諭令王振清等先各回工當差黃牧未及稟報旋即卸事卑職到任接准移交正在查卷研訊核辦聞據報張保子病加沉重當經驗明醫治取方詳報旋據報在押病故復經驗訊通詳各在案除再添差比捕勒限嚴緝並移催營汛隣封一體協拿逸犯史明德等並原賊務獲提同現犯研訊確情另行繪圖錄供擬議通報外所有此案卑前州黃牧獲犯訊供補行勘驗差緝情形合先具文通報 憲台查核爲此備由開冊具呈伏乞 照詳施行 護督憲崔 批據詳已悉已獲之郭明遠等犯既已先後病故其邊米貴子等犯希按察司飭即研究確情據實錄供擬議詳辦並嚴緝逸賊史明德等及原賊務獲究報此繳

### 文告錄要

督憲批示錄要○學司詳委鑾輿衛經歷楊瑜統充會計科副長由 批據詳已悉此復○運司詳覆武強縣土確飭查考驗化煉未淨應從緩議請飭遵由 批來牘閱悉此復○又詳補運鹽包舊案并不照交課項請核咨由 批來牘閱悉候咨呈 度支部查照此復○王令鴻藻懷來縣韓令會稟拿獲聚衆抗捐案內要犯孟兆熊一名訊供並現在辦理領照情形請查核由 批據稟該縣拿獲孟兆熊一犯係屬抗捐案內首要仰韓令嚴審擬辦稟覆飭遵仍勒限嚴緝逸犯郭珍等務獲併案究辦並候分行宣化府礦政調查局查照繳

學台批示○陳家村民立第四十學堂學董陳忠等稟牲市並立有碍學費懇請禁止一案 批稟悉仰自行赴縣陳訴勿庸越瀆此批○香河縣文生周堃等稟公懇仁慈俯准開復以全大局一案 批據稟已悉該邑學風敗壞已極不能不嚴加整頓以勵將來所請將斥退各生從寬開復一節碍難照准此批

臬台批示○唐山縣民婦王鄭氏來司呈控一案 批案據該縣驗報已死李黑子屍身受有傷痕並訪聞李黑子平日行竊爲匪核諸該氏現呈情節顯係李黑子夤夜至氏家行竊被氏夫王拴保毆傷越日身死該氏謂李黑子死由因病屍親藉端圖賴係屬飾詞本應不准惟案關人命該縣自通稟後至今半年有餘未據訊明通報候札催該縣趕緊傳集人證研審確情填格錄供通報毋任宕延粘單附

運台告示○爲出示曉諭事案查前據曲陽縣知縣鄭令在中稟該縣鹽商德興義賣鹽加收底錢擬請提充自治經費等情當經本司飭令禁止並詳蒙 前督鹽憲飭司稟覆詳辦等因遵諭據綱總商人楊俊元等稟稱奉飭前因伏查長蘆各岸鹽價向例均售滿錢並非格外索底等情本司因查該綱總等所稟是否屬實即經批示並分行直隸緝私各分局委員詳查覆奪去後旋據商人中聚生具稟內邱唐山引岸賣鹽向收滿錢乃該兩縣自治局員因閱官報載有曲陽縣詳鹽商德興義私索底錢請提充自治局經費一案遂爾邀集多人在縣具稟謬謂鹽商舞弊私索底錢公懇迫充自治經費請札行內邱唐山兩縣轉飭該局員候示遵辦等情暨據新城祁州分詳據舉人李際春及自治研究所所長貢生許宗謙等稟控鹽商前情均經批飭候各緝私局覆齊詳辦飭遵在案並奉 督鹽憲批據新城縣祁州詳明前因奉批飭司查案核辦等因正在核飭間即據直隸兩省緝私分局並薊六緝私委員先後稟覆查明各屬鹽店售鹽向例均收滿錢實無格外索底情事並據通綱商人晉有孚等稟請售鹽例收滿錢告示暨請通飭直隸各州縣營知照前來茲經詳奉 護理督鹽憲崔批開據詳已悉鹽商售賣鹽斤既經由司委員查明向收滿錢並非格外索底自應仍照向章辦理所有曲陽等州縣官紳擬請提充自治經費之處均無庸議希即查照通飭示諭遵照此覆等因奉此除通飭遵照外合亟出示曉諭爲此示仰商民人等一體知悉自示之後爾等買賣官鹽應以滿錢交易倘敢私行扣加一經查出或被被告發定即重罰不貸各宜懷遵毋違特示

畿輔近事

硃諭恭錄○新撫聯中丞奏四月分雨水情形一摺已於本月十三日奉 硃批知道了朕聞新疆地土荒寒不

宜種植然究竟某州某縣尙堪布種某種雜糧何時播田栽種何時收成可於下月奏報雨水糧價摺單外分晰明白另繕詳細清楚單一件備朕留覽焉尤須加詳調查不可怠忙遺漏雖遲無妨欽此仰見 深宮軫念民生無微不至矣

官場紀要○升授甘藩臬台何方伯彥昇前日由省來津赴院稟見○新分直隸候補道費觀察毓桂前日赴院稟見稟到

續紀議事會諸案○天津縣議事會開會提議各案已紀本報茲又於十三日下午開通常會首經趙議長報告前

日表決請免兩月洋車捐事現有捐務科提調張君到會據稱此項捐款爲南市擴充巡警之費兩月少收兩萬餘元頗不易辦此案可否取銷或面商劉議員另設別法當經提議公決函請齊觀察變通酌減以恤貧民又提議閩議員請議六項一市面仿照西法各貨添設商標公決照辦二議設集合勸業勸工場公決組織三商店近有羅列坤鞋者與風俗有碍公決此項坤鞋若禁阻恐社會開通放足風氣反生阻力暫從緩議此三項移請商會設法籌辦四女學堂添設家政學以教裁縫烹飪公決函商勸學所五女生放足事經李議員學會擬議放足若由女學入手恐生女學阻力宜從風俗入手公擬緩議六組織自治商學界不娶纏足婦之會公決請議員發起又經議長提議調查牙行款項事又提議審議員請議近來新銅元充斥事併呈銅元現樣公決限董事會三日內調查是否由造幣廠所發又經報告下星期停會一星期以清文牘

籌還國債期成會誌盛○天津商務總會柬邀天津紳商學警等各界首領於十四日齊集該總會作爲直隸國債會發起人是日下午二鐘特開期成會門前高揭國徽規模整肅各界與會者二百餘人先由執事人各給國債會簡章草案及擬上護督憲稟稿各省商會往來電函底稿各一份振鈴開會首由王觀察竹林登台報告開會宗旨及近日一切組織情形與前日赴京面謁政府諸公問答言語並述護督憲捐銀三萬兩作爲提倡之款次由徐君延壽報告蕪湖商會來電情形次由杜君筱琴報告開會宗旨畢遂共撮一影以垂紀念又由王觀察演說章程如不周密請大家即刻提議或日後函達以便改正又由王君少廉演說辦理此會不可稍存名利之心後由王君松樵演說國債會刻不容緩情形直至五鐘餘始行閉會聞一二日內將稟稿繕就呈於護督憲批示後再擬開會一次以便研究進行細則云

直隸出品協會公啓○外洋各國最重商務每見各項生業無不高懸商標或繪之以圖形或登之於廣告如仁丹寶丹以及日光啤酒各色紙煙獅子牙粉大學眼藥並一切丸散湯劑各方無不揭諸告白遍行張貼幾無隙處甚至日本界中如仁丹啤酒皆做成燈字夜間點燃高至數丈數里之外皆可望見五顏六色光怪陸離恍如白晝是其輝煌商業振興商務不惜資本有如此宜乎各項生意之發達蒸蒸日上也當此商戰競爭優勝劣敗之

際我國各商曷不仿而行之多畫圖樣多粘廣告俾改貧弱爲富強是所望於各商賈者耳

擬續開正式展覽會○直隸出品協會自開會展覽以來已將半月徵調各處之各色貨品俱已絡繹而來不絕於道瞬息月杪爲時過促誠恐運送稍遲必致有悞陳列况教育物品亦多未齊一月限滿閉會之後擬仍於來年開正另行續開一會彼時各屬無分遠近出產各貨諒必陸續到齊接展陳列總期無悞南洋陳賽云

聲明游覽日期之誤會○直隸出品協會來函云本會所定三六九日爲女賓游覽之期餘則皆許男賓游覽原指陳列館售品所兩處而言緣此兩處陳列售貨之外則游客既多地勢復狹男女有別擁擠堪虞是以特分期限專指兩處而言並非凡女賓游覽之日無論何處並禁男賓縱觀夫以斯園之大萬貨齊列百戲雜陳何日不許男女入視况十步一亭五步一閣何一非游觀之處縱十萬人此出彼入恐後爭先亦斷不致擁擠昨閱某報所載凡女賓游覽日不准男客入園似係誤會亟宜更正並望周知

小學樂賢會紀盛○天津西門內啓蒙小學校趙君蘭坡日前假座附近述善堂在理公所舉行樂賢會各生父兄到者四十餘人並有中央勸學員劉君蓉生五局一區區官崔君怡庭及閩華庭鍾智卿沈凌霄各來賓依次演說頗極一時之盛

簡易識字學塾開學○保定倉門口自立簡易識字學塾已於本月十一日開學特於先期發出廣告俾衆咸知本報添改門類說略○本報爲擴充門類起見再三斟酌不厭求詳茲以奏議限於篇幅不及備登特加入摺片摘要一門凡要摺之不及登報者均按日摘錄事由以歸簡要而免遺漏並將新政紀聞分作畿輔近事各省近事各國新聞三門即將譯電併入各國之內俾界限分明閱者便於觀覽其餘各門均仍其舊嗣後尙擬廣搜博采將公牘文告及畿輔近事三門隨時推廣閱報官紳凡有辦理新政及一切公益之事如蒙抄寄即當分錄報端以代表彰而資觀感

## 各省近事

政治  
地方自治會集議辦法○蘇垣地方自治會已於日前開會蔣季和會長先一日由甯到蘇是日落會開議計到會

者五十餘人由費君玉如報告研究所經費計需洋一千餘元宣講所兩區經費計需洋一百十餘元自治會經費計七十餘元以及上半年所辦之市政講會費用費洋四百數十餘元現在核計藩署撥款每年二百兩外預算約不敷洋五百四十餘元蔣會長宣言自治會勉力辦成宣講所研究所由在會諸君熱心贊助惟經費尙少五百數十餘元總期設法維持俟自治公所成立後再開會議定歸併惟現在經費奇窘如何維持請公同裁酌先由蔣君首先協助洋一百元次倪君詠裳協助洋二十元尤君鼎孚再協助洋五十元潘硯生費玉如張叔鵬君各協助洋二十元

**鄂省設立會議廳情形**○鄂督日前遵章在署設立會議廳與憲政籌備處相輔而行其會議資格以現在官守及重要差使爲主除省內外司道府廳州縣照章列席外其重要局所總會辦均一併預議若省外現任道府各官平日不能常川到廳會議或因職守所關有應提議事件准以說帖詳具理由呈候交議會之時期分公議密議兩項公議逢二日集議密議以特別命令召集所有會議廳各項文件均令憲政籌備處人員兼理至與諮議局常駐議員交涉事件概遵館章辦理惟議廳不取法他省用議長議員名目云

### 民事

**委員查驗揚屬積穀**○江蘇揚州府嵩太守奉准揚海道札略謂積穀原爲備荒近當偏災洊至糧價昂貴猶應圖匱於豐以期有備無患實存何項糧食若干擔穀本若干錢前年散放借糶之糧已否帶征購補糶陳易新缺額者曾否補足特委候補大使沈文修赴江甘兩縣候補巡檢林熾赴高寶兩州縣候補從九殷璜赴揚泰兩州縣候補通判沈蔭章赴東興兩縣查實稟覆云

**官荒請照屯田辦法**○浙省仁和籍職員朱潛曾於光緒三十年秋具稟府縣以塘棲鎮行宮基地載入志乘廣至一百餘畝近年逐漸被民間侵佔現存者僅六十畝有零荒廢年久墾闢不易現擬召集就地鄉民照章開荒俟三年期滿再行報明成熟畝分遵則繳租等情由縣詳奉撫憲核准在案茲據該職員朱潛家人稟報該地業已成熟者二十畝其餘尙就荒未闢至成熟租息可否援照屯租上則每畝完錢四百廿文於宣統元年秋後完納等情現聞蘇大令以開墾官荒成熟應繳地租能否仿照屯田辦法事關農業應俟具詳層憲批示再行飭遵

實業  
鎮屬物產會開幕 ○江蘇鎮江府屬物產會於本月初一日爲開幕之期會場在萬家巷南首文昌宮距火車站甚近先期由創立員李維之俞立三等將四縣一廳運到之物分別陳列十色五光目不暇給惟會場自大門以迄廳事遍綴綵球五色相間是日午前十時各界商董均齊集會場鎮道府縣文武各官亦先後蒞止行開幕禮先由鎮道劉襄孫觀察致祝詞繼由監督承瑞卿太守演說開會宗旨學紳商各界致頌詞末由監督致答詞散會後劉觀察等見廳上陳設天產工藝教育美術四大部皆精良優美非常滿意是日計來賓到會參觀者約千入左右備極一時之盛

### 各國新聞

法政府分賜金牌 ○巴黎電云法政府現以金牌賜與陸軍大將拉庫魯克斯氏并賜理甘大勳章與陸軍大將葛蘇德氏并威蘭德氏

法國飛艇家之試驗 ○巴黎電云法國汽艇家發爾曼氏現在乘坐飛艇由馬塞洛地方啓程飛往查德里司地方飛行七十啓羅邁當共五十五分鐘

美國訓練海軍政策 ○舊金山電云美國海軍大臣米爾氏宣言現在總統戴夫德氏擬竭力訓練海軍并在美國東西兩洋添駐戰艦現在須添設船塢因在太平洋祇有旱塢一處收藏兵艦并須從速在古巴之甘達納地方建築軍港

德國海軍大臣答詞 ○倫敦電云德京電稱德國海軍大臣在議院答覆進步社會兩黨議員謂近日德國於管理海軍之法未甚完善須另籌妥法聞守舊與中央兩黨議員對於海軍大臣答覆之言甚不滿意

俄國裁判所審訊武員 ○倫敦電云俄國舊都莫斯科軍政裁判所擬不日即提審武員七十二員并製造家十四人因伊等私訂合同吞沒十二兆盧布

義國購買軍用汽車 ○倫敦電云義政府爲擴充軍政起見擬以投標之法購買軍用汽車六百輛

英國海關之報告 ○倫敦電云英國海關報告今年十一月進口貨比去年十一月增加一千一百七十萬零七百四十五鎊出口貨增加四百一十九萬鎊

法國設立飛艇學堂 ○倫敦電云法政府現在諭令製造飛艇五艘并設立學堂一處以便研究飛行術

一出身畢業取錄最優等者不分區域派充巡長巡記及格者派充巡警若無缺出最優等者准以巡長巡記記名俟有缺再行酌補

一罰則教練生畢業後須在本邑盡義務三年不准無故告退如違罰追三月餉項充公以示限制

一員役所長一員教習一員庶務員一員書記一員聽差二名所長由總局巡官兼充教習由各區巡官區長中公推明於警務者一人充膺庶務員由總局警董兼充餘另募

一局規概遵定章教練生須受本所所長教員管理員約束如有干犯局規輕則由所長教員商同辦理重則稟縣究懲另列細則如左

一教練生無論何時須穿著本所制服

一教練生須遵守所內一切規則及上官隨時之命令

一所中物件無論有心無心如有損壞即責成損壞人認賠

一教練生一月中告假不得逾三日若有特別不得已事故不在此限

一教練生除星期日非告假不准擅自出所

一教練生告假須在庶務員處領取假條逾一日者報明所長蓋戳

一教練生須自知勤務無論何地凡該生等所居之處應時加修理洒掃潔淨以便衛生

一教練生除在會客室接見親友外不得招集引入宿舍及留飯留宿

一全班選正副班長二人襄助教員管理一切事宜並掌到堂到操人數冊及告假冊每日呈教員察閱

一教員每晚定刻點名點名後教練生不得再行出局

一經費所長一員月支薪水銀十二兩雜費四兩教習一員月支薪水銀十兩雜費二兩庶務員一員月支薪水銀十吊書記一員月支薪水銀九吊聽差二名每月支工食錢五吊教練生五十名每名支津貼錢一吊月支京

錢五十吊其餘教練生伙食筆墨紙張單棉操衣單制服單帽草帽靴子及所內燈油茶粉筆冬月炭火各項

每歲約需錢四千八百二十三吊八百文連開辦費約共需錢六千餘吊

以上係粗具大概辦法其有未盡事宜容卑職再行另訂以便遵守

### 北洋學界海軍捐簡章

一 由北洋學界同人捐備的款呈納 政府作為資助海軍經費之用為唯一之宗旨

一 此項捐款以十年為限

一 各學堂各舉代表二人俟 學憲批准後再由各代表公舉全體代表所有贊成者每日省出零用五文限定每月晦日交與該堂代表收清後寄存儲蓄銀行生息

一 每一學期應由各學堂代表各向儲蓄銀行算清數目造具清冊交與全體代表由全體代表將所收捐款仍存儲蓄銀行生息並將數目登報聲明以昭大公每兩學期造具清冊呈報 學憲一次以備 大部隨時提用

一 每日省出零用五文乃就普通公例而言各堂增減聽便

一 另設特捐一條捐款不拘數目以備各堂管理員教員及願多捐之學生隨意捐助惟該堂代表對於此項捐款須開列清單交與全體代表於清冊內註明特捐字樣庶便查核

一 各學堂學生捐款悉按銅元計算無論月之大小均交銅元十五枚(就每月捐助五文者而言)閏月照加

一 各學堂學生已認捐者務必一律持久萬勿中輟遇有遷學或升學者如仍願捐即交其改就之校中而原學堂既少若干人捐款亦須由該堂代表於清冊內註明如有後來新生認捐者亦須添註於冊

一 各學堂學生改就他項職業者如仍願捐可將款寄交原學堂代表或寄交全體代表處收存惟均須於清冊內

#### 註明

一 各學堂管理員教員既屬學界一分子亦應擔任提倡維持之責

一 此項捐款專為海軍經費取資無論何人何事概不得挪用

一 全體代表每年應舉一次

一 此係暫定簡章以後如有不便或應行增減之處可由各代表再行商訂



日本東京上野東照宮圖

# 枯骨回春

大連市華商公議會書記患胸膈疼痛吐血各症服韋廉士大醫生紅色補丸而得身體強健有力茲承其來函云  
 余姓樂名寶廷奉天省金州西山凌水河子人也現年四十六歲幼多疾病常患咳嗽先父因病溺愛遂致廢讀於  
 二十二歲投効毅軍受知前故直隸提督馬玉崑列為幕友光緒甲午年中日之役戰於韓之平壤大同江岸鏖戰  
 失機左腿誤中流彈流血斗餘大受窘迫兼之體本虧弱漸致紅虛癆十餘年形銷骨立否泰靡常戊申之歲勉應  
 大連市小崗子華商公議會書記之職至秋十月突覺心跳神迷頭暈目眩飲食不進漸至夜睡不甯台眼驚痛心  
 怖氣促狀類怔忡種種異症莫可言喻曾服方藥百有餘帖毫無進益自維受病日深難望安痊悲悶中檢閱盛京



新報載有韋廉士大醫生紅色補丸療治各病奇驗異常因即購服一瓶越  
 十餘日覺有轉機爰乃接服三瓶沉痾若失諸疾頓消余深惑○廉士大醫  
 生紅色補丸活我之意莫可圖報敬擬枯骨回春四字用彰大德以表謝忱  
 曾獲韋廉士大醫生紅色補丸之奇效  
 康士大醫生紅色補丸之奇效  
 色補丸之奇效  
 痛頭暈 乾溼癬癩 瘰癧疔疹 左癱右瘓 腳氣衝心 肝經各病 諸  
 百患 風溼骨痛 腎虧疲瘵 腰骨疼痛 氣喘咳嗽 氣管發炎 諸  
 少年虧喪 陽萎不舉 皮膚諸症 已不知凡幾矣是丸又為醫  
 精而得強壯然韋廉士大醫生紅色補丸常以達入血中之法醫治天下  
 也據其書中所述韋廉士大醫生紅色補丸使其有稠紅有力之新血復其  
 也據其書中所述韋廉士大醫生紅色補丸使其有稠紅有力之新血復其

治幼女壯婦經水不調一切各症之良藥其奏效之神速固非他種補藥所可望其項背也 韋廉士大醫生紅色  
 補丸中國各處商店藥局凡經售西藥之處均有出售或直向上海九江路B字第八號韋廉士大醫生藥局中國總  
 發行處購買亦可 價銀每六瓶八元 每一瓶大洋一元五角 遠近郵費一律不取  
 謹告購藥諸君能療疾病者係真正韋廉士大醫生紅色補丸並非若市上所售影戲漁利之紅血紅衣等丸也謹  
 防假冒勿為所悞

## 上海九江路B字第八號韋廉士大醫生藥局啟

商務印書館出版各書上海總發行所 分館 發售

版式大小謹遵

商務印書館恭印

欽定大清會典事例全書 進呈原本

是書前由敝館承印伏讀外務部 進呈原奏有印造尙屬精工等語查王公京外大臣得蒙 頒賜是書者僅一百三十八部敝館曾於去年縮印發售旬月間已疊再版顧海內宏達深以未見原書爲憾且原書有圖十二函亦以過於精細未能縮印致付闕如茲特再行攝影一切版式圖畫悉如原書刻已印成樣本欲閱者函示即寄○一全書四百九十四册分裝八十二函計會典六函事例六十四函圖志函○一定額二百部售完不再印○一定價規銀四百兩預約者減爲二百五十兩○一預約以本年九月底爲限先付規銀五十兩○一本年内先出會典六函圖十二函宣統二年四月續出事例六十四函全書告竣○一遠地郵費運費概照實計○一詳細章程具載樣本中○一發售預約券處在上海本館總發行所各省分館

新譯日本議會紀事全編出版

陽湖孟森校訂無錫蔡文森侯官王我臧輯譯 是書自日本開國會始至今年止凡二十五期 其初蒐無故事朝野皆奉一憲政爲準繩爲國

爲民政府與議員各盡其道中間財政之抗爭 法律之改訂或以爭執爲攻錯或以利衷爲救濟政府之待遇議會與議會之對付政府皆新立議會者必 經之層折吾國現狀與此適合不但行政官與議員急宜人手一編以資觸發無論何人皆宜循覽庶知人 民參政之實際全書分訂四册定價一元五角茲因諮議局不日開辦趕將前二册先行出版後二册七月 出版預定者實價一元收到書價後即交前二册並付收條俟後二册出版時憑條取書特此預告外埠郵 費照加

天津商務印書館新書出版

天津分館開設 河北大胡同 電話五百二十六號

# 天津商務總會代收兩湖吉林水災賑款數目及各善士銜名第十二 次報告

張竹坡代募第三百七十五號冊共助洋一百十六元 田煥亭 陳藹士 張葆齋 陸秀山 沈慕韓各助洋  
十元 張毅若八元 童華亭 汪幼龍 王幼甫 李露生 譚利賓 唐俊夫 張晉二各助洋五元 章靜  
軒 陳藥山 張蘭生 慰痴生 段谷香各助洋三元 孔菊仙 喬景周 張子植 王佩卿 楊恩培 胡  
棟生各助洋一元 ○清河縣鹽總店代募第一百十一號冊共助洋十元 春暉鹽店助洋四元 何梓樑 劉靜  
齋 聚泉號各助洋一元 郭秋舫 郭聯三 王蓋臣 董獻廷 許振德 王麟瑞各助洋五角 ○清河縣正  
堂代募第一百十號冊共助洋二十五元 銀十兩去平色銀三錢八分實收合津公砵銀九兩六錢二分 署理清  
河縣知縣文元助銀十兩去色三錢八分實合津公砵銀九兩六錢二分 清河縣汛司廳李正寅 清河縣縣丞  
陳毓英 清河縣民人趙一士各助洋二元 清河縣典史沈韻梅助洋四元 勸學總董劉喜詰助洋一元 清  
河縣民人助洋十元 張席吳之明 城內無名氏各助洋六角 油坊汛王永仁助洋三角 總警局安際雲  
巡官徐重文 油坊局巡官劉之春 小屯局巡官劉書西 辛集局巡官陰自新各助洋五角 ○曲陽縣代募第  
九十九號冊共助洋三十七元 曲陽縣鄭十元 范非齋 彭厚菴 谷儒珍各助洋二元 盛子服 沈倉山  
曲陽汛蕭 曲陽巡官時宜 官錢局 天福當田悅卿 陳睨周 彭浩吾 楊省三 田銘 田點梅各助  
洋一元 甄滌齋 陳錫恩共助洋一元 張文郁 李國華共助洋一元 甄曉滄 趙霄九共助洋一元 彭  
予九 劉範卿共助洋一元 彭崇甫 楊熙亭共助洋一元 郭雲軒 高甲三 田漢卿共助洋一元 張宗  
韓 焦冀生 葛梅卿 盧錦春 周普澤 彭蕊馥共助洋二元 ○林西縣正堂代募第二百三十一號冊試辦  
林西縣事棟發知縣國仁泰二十元 錦生潤代交合津公砵化寶銀十四兩四錢 ○肅甯縣鹽總店代募第三十三  
號冊共助洋十元 集義生鹽店 鹽店同人 福承鹽店 福承鹽店同人各助洋二元 忠恕堂張 各鎮鹽  
店各助洋一元 ○固安縣代募第二百八十一號冊共助洋十四元 謙吉鹽總店四元 高椿軒 郝緝秋 王  
益甫 高祝軒 李子炎山東濟甯人現居固安縣 陳誠齋 楊鳳巖 馬莊鹽店 牛駝鹽店各助洋一元  
劉雲嵐 楊秋生各助洋五角 ○以上統共收洋二百二十二元又共收合津公砵化寶銀二十四兩二分

天津救急善會具

新 報  
告 廣 司 公 限 有 灰 拜



啓者本公司保承受唐山洋灰公司老廠另購外洋最新式機器旋磨等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之紅磚花磚洋灰瓦水溝管矸子土等項無論躉零交易均可本公司總理處設在天津海大道英租界並在天津奉天大連烟台莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大憲用法另刊有華洋文廣告 光顧諸君請向本公司索閱面議一切可也

總律風一千三百零九號

利 文 洋

大小皮包法減洋號又新到轉盤換調計匣八音盒價值格外從廉仕宦官商尤願者請移玉紫竹林法租界本行面議可也

本行開設天津上海香港志呢華海參巖等處均設立有年諸班貨物由外洋本機器廠自造磁蘭洋鐘皮套鐘天文坐掛等鐘以及金銀夾金銅鋼等表約有二百餘宗並各樣表鍊金鐘珠寶鑽石戒指耳鑲鑲子表鑲大小八音盒並留聲話匣單雙桶千里眼磁蘭磨花穿衣鏡妝梳洋鏡

本行主人啓

瑞林祥元記  
綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅袍褲靴鞋洋貨布疋各色喇哩厚呢京廣什貨俱全貨高價廉劃一不二後廳內專售保貨織絨袍料衣包被套口袋線毯毛毯零貨均照行價發兌中外 瑞林祥元記具

瑞林祥元記具

武 齋 洋 行

本行開設天津 於茲二十餘年 自運各種洋貨 絨紗布匹綢緞 繡花屏風鏡額 磁銅料器味藍 奇巧美術玩器 學界文房用品 旋行携帶等件 精工變身物料 定織各色席氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

# 督署兩等小學招生廣告

**一宗旨** 以合教官紳士民子弟為主不分省界  
**二地址** 在督署後天緯路北  
**三學級** 本校分高等初等兩級  
**四課程** 高等 講經 歷史 地理

格致 算術 手工 音樂 英語 體操 第三年第二初等 讀經 國文 算術 音樂 團畫  
學期酌添農業商業工業為隨意科任各學生認學一科 初等 體操 第二年第一學期添歷史地理  
**五年齡** 高等以十四歲以下十一歲以上為合格 初等以八歲以上十一歲以下為合格

**六學費** 免收  
**七膳費** 由本堂備午膳不收費 不在堂內用膳者聽  
**八書籍操衣**

**費** 均自備  
**九資格** 高等以能作短文為合格 初等以能識字能寫字為合格  
**十卒業** 高等初等均以四年卒業  
**十一獎勵均遵** 部章

高等生卒業最優等得獎廩生等獎增生中等獎附生 初等由督帥及 提學司考試分數合格由本校發給卒業文憑准其升學  
**十二報名** 由學生父兄偕同妥實保證人至天緯路北本校報名聽侯傳考惟本人父兄不得作保證人

# 督署兩等女學招生廣告

**一宗旨** 以合教官紳士民女子為主不分省界  
**二地址** 在督署後花園  
**三學級** 本校分高等初等兩級  
**四課程** 高等 講經 歷史 地理

格致 算術 圖畫 女初等 讀經 國文 算術 音樂 女紅 團畫  
紅 音樂 英語 體操 初等 畫 體操 第三年第一學期添歷史地理  
**五年齡** 高等以十四歲以下十一歲以上為合格 初等以七歲以下為合格

**六學費** 免收  
**七膳費** 由本堂備午膳不收費 不在堂內用膳者聽  
**八書籍操衣費** 均自備  
**九資格** 高等以文為合格初等以能識字能寫字為合格

**十卒業** 高等初等均以四年畢業  
**十一報名** 由學生父兄偕同妥實保證人至天緯路本校報名聽侯傳考惟本人父兄不得作保證人

本局承辦印刷研究

精良近器不惜重資

延聘外洋著名工師

添購新式機器精製

雕刻銅版所有承印

各種紙幣股票等件

圖畫精巧色澤鮮明

紙質堅緻屢蒙 中

外官商照顧頗如獎

譽茲為推廣招徠起

見自本年承印各

項價目格外減讓以

副 官商雅意如蒙

賜顧請至本局賬

房面議可也

### 催繳甘賑捐冊廣告

查甘賑捐冊有三百餘分未經交回同人擬再展限二十日至十月底務望一律交齊是所至盼  
官報局甘肅籌賑處謹啓

### 助 柴 鳴 謝

啓者本堂收養孀孤年來人數增多不獨米糧用鉅而冬令燒柴尤為大宗茲承建造處陳建侯總辦惠助木柴二萬數千斤作炊爨之用黍谷回春不衣自煖似此樂善好施盡登報端用鳴謝悃  
廣仁堂公啓

### 鳴 謝 助 款

邑紳花翎候選道李公鴻翰謹遵故父李公鍾瑋遺命節省喪資以例銀三千兩捐助本堂經費業經收訖當此籌款困難承大紳善承先志慨濟多金實為好義可風同深感佩除由本堂詳請 督憲奏獎外理合登報鳴謝以為樂善好施者勸  
天津廣仁堂謹啟

### 天津南開私立第一中學堂招考

新班 學生

考期一在本年十二月初六日上午一在明年正月十八日下午

### 工商演說廣告

啓者十一月十八日晚八鐘至十一鐘仍借東宜講所內演說工商各項要理並請韓鏡湖先生演說電鍍五金法宋則久先生演說家庭工藝紀管泮先生演說飲食食品與經濟衛生之關係務乞 各工屆時惠臨入聽不取分文特先佈告  
天津勸工陳列所謹啓